



Broj:

Sarajevo, 04.11.2020. godine

PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM

n/r predsjedavajućeg, gđin. Nebojša Radmanović

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 05-11-2020			
Organizaciona jedinica	Klasifikaciona oznaka	Redni broj	Broj priloga
		01-50-1-2166/20	

Na osnovu člana 8. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19 i 26/20), podnosim

ПОСЛАНИЧКУ ИНИЦИЈАТИВУ

kojom Predstavnički dom Parlamentarne skupštine Bosne i Hercegovine zadužuje Vijeće ministara Bosne i Hercegovine da u roku od 30 dana od dana usvajanja ove inicijative, pripremi i uputi u parlamentarnu proceduru revidirani Prijedlog zakona o elektronskim komunikacijama i elektronskim medijima u Bosni i Hercegovini, koji će biti usklađen sa pravnom stečevinom Evropske unije i preporukama Pododbora za inovacije, informaciono društvo, socijalnu politiku i javno zdravlje, te uz uvažavanje ranijih sugestija iz mišljenja nadležnih institucija.

Образложење

U opisnom dijelu Mišljenja Evropske komisije o zahtjevu Bosne i Hercegovine za članstvo u Evropskoj uniji navodi se da je „Bosna i Hercegovina u ranoj fazi kada je u pitanju nivo spremnosti da preuzme obaveze koje proističu iz članstva u EU i potrebno je značajno ubrzati proces usklađivanja s *acquis-em*, te provesti i primijeniti odgovarajuće zakonodavstvo. Posebnu pažnju je potrebno posvetiti područjima slobodnog kretanja roba, pravu poslovnog nastana i slobodi pružanja usluga, informacionom društvu i medijima, poljoprivredi i ruralnom razvoju, ribarstvu, transportnoj politici, energetici, ekonomskoj i monetarnoj politici, statistici, socijalnoj politici i zapošljavanju, poduzetništvu i industrijskoj politici, regionalnoj politici i koordinaciji strukturnih instrumenata, obrazovanju i kulturi, zaštiti potrošača i zdravlja i finansijskoj kontroli“. Jedno od spomenutih pitanja iz Mišljenja Evropske komisije je i pitanje informacionog društva i medija. Dalje se isto razrađuje u Analitičkom izvještaju koji je sastavni dio Mišljenja, gdje je kao jedna od mjera iz Akcionog plana pod tačkom 12.2. navedena potreba da se „na državnom nivou usvoji Zakon o elektronskim komunikacijama i elektronskim medijima“. Dakle, jasno je da postoji potreba da se usvoji zakonsko rješenje koje će regulisati oblast elektronskih komunikacija i elektronskih medija, posebno zbog činjenice da je ovo oblast u kojoj imamo određeni pravni vakuum, s obzirom da je postojeći Zakon o komunikacijama („Službeni glasnik BiH“, br. 31/03, 75/06, 32/10 i 98/12) prvi put donesen još 2003. godine.

Nacrt zakona o elektronskim komunikacijama još od ranije postoji izrađen u formi nacрта u Ministarstvu komunikacija i prometa Bosne i Hercegovine¹, te je isti sada potrebno revidirati i predložiti u novom tekstu, kako bi se uvažile opravdane sugestije nadležnih institucija i kako bi se ugradile ranije preporuke Pododbora EU za inovacije, informaciono društvo, socijalnu politiku i javno zdravstvo². U skladu sa preporukama Evropske komisije, oblast elektronskih medija treba se obuhvatiti istim zakonskim rješenjem kao i oblast elektronskih komunikacija, što je u skladu sa pozitivnim evropskim praksama. Pored ovog zakonskog rješenja, potrebno je, u skladu sa preporukama Evropske komisije raditi i na usvajanju Okvirne strategije za širokopojasni pristup za period 2020.-2023. godina, koja je neophodna radi razvoja širokopojasnih usluga, kako bi se povećao pristup, pokrivenost i potražnja za takvim uslugama, a što dalje znači veću brzinu mobilnog interneta, što direktno utječe i na rast privrede u cjelini.

Pored navedenog, osnov za usvajanje Zakona o elektronskim komunikacijama i Strategije razvoja širokopojasnog pristupa u Bosni i Hercegovini postoji i u dokumentu Politika sektora elektronskih komunikacija Bosne i Hercegovine za period 2017.-2021. godine i Akcionog plana za realizaciju politike („Službeni glasnik BiH“, broj 46/17), koje je Vijeće ministara Bosne i Hercegovine usvojilo na 102. sjednici održanoj 23.05.2017. godine. Pod tačkom 5.1. Akcionog plana za realizaciju Politike sektora elektronskih komunikacija Bosne i Hercegovine navedeno je „*donošenje Zakona o elektronskim komunikacijama*“, a pod tačkom 1.2.1. „*donošenje Strategije razvoja širokopojasnog pristupa u Bosni i Hercegovini*“. Dakle, Vijeće ministara Bosne i Hercegovine i nadležno Ministarstvo komunikacija i prometa Bosne i Hercegovine imaju obavezu realizirati preuzete i planirane obaveze, a sam način pripreme navedenih zakonâ treba biti u skladu sa nadležnostima institucija Bosne i Hercegovine i uz uvažavanje svih opravdanih sugestija i mišljenja nadležnih institucija.

S poštovanjem,


Dr. Denis Žvizić

¹ U prošlom sazivu Vijeća ministara Bosne i Hercegovine Nacrt ovog Zakona bio je više puta na dnevnom redu, ali je skidan sa dnevnog reda radi dodatnog usaglašavanja.

² Riječ je o preporuci Pododbora za inovacije, informaciono društvo, socijalnu politiku i javno zdravstvo sa sastanka iz Brisela od 30.01.2018. godine kojom se traži „*potpuno usklađivanje Zakona o elektronskim komunikacijama sa pravnom stečevinom EU*“.